



Tematski bilten Saveza općina i gradova Federacije Bosne i Hercegovine



Godina: XX

Datum: 11.12.2023.

Broj: 291

16. DANA AKTIVIZMA PROTIV RODNO ZASNOVANOG NASILJA

Svake godine širom svijeta provodi se kampanja „16 dana aktivizma protiv rodno zasnovanog nasilja“, koja poziva na okončanje svih oblika nasilja nad ženama i djevojčicama. Kampanja traje od 25.11. do 10.12. Fokus ovogodišnje kampanje je „Isključimo nasilje nad ženama i djevojčicama zajedno“.

Savezi općina i gradova u BiH pridružuju se kampanji "16 dana aktivizma protiv rodno zasnovanog nasilja" u 2023. godini sa porukom "Isključimo nasilje nad ženama i djevojčicama zajedno".

„Nasilje u porodici se dešava u lokalnoj zajednici i institucije na lokalnom nivou su prve angažovane u odgovoru na nasilje. Uključivanje i konsultacije sa lokalnim vlastima su neophodne u radu na prevenciji i odgovoru na ovaj ozbiljan društveni problem.“

Program se provodi u sklopu projekta "Jačanje saveza općina/opština i gradova u BiH" kojeg sprovode Savezi općina i gradova Federacije BiH i Savez opština i gradova Republike Srpske zajedno sa Švedskom asocijacijom lokalnih vlasti i regiona, a sve uz podršku Vlade Švicarske i Švedske.



„Nasilje u porodici se dešava u lokalnoj zajednici i institucije na lokalnom nivou su prve angažovane u odgovoru na nasilje. Uključivanje i konsultacije sa lokalnim vlastima su neophodne u radu na prevenciji i odgovoru na ovaj ozbiljan društveni problem.“

Vesna Travljanin, direktorica Saveza općina i gradova Federacije Bosne i Hercegovine

#16danaaktivizma
#isključimonasilje
#nemaizgovora



USLUGE SAVEZA:

- PLATFORMA ZA RODNU RAVNOPRAVNOST NA LOKALNOM NIVOU

<https://bit.ly/3GANEJC>

Koordinatorica za rodnu ravnopravnost ispred Saveza:

Mirela Čaušević

mirela@sogfbih.ba

033 216 502

KORISNI LINKOVI ZA RODNU RAVNOPRAVNOST:

<http://www.mhrr.gov.ba/>

<https://arsbih.gov.ba/>

<https://www.gcfbih.gov.ba/>

<http://www.sogfbih.ba/aktivnosti/platforme/savjetovalista/rodna-ravnopravnost-na-lokalnom-nivou>

ADRESA:

Musala br.5/1

71000 Sarajevo

Telefon: +387 33 216 502,

209 024, 209 120

fax: +387 33 552 810, 216 502

savez@sogfbih.ba

KONFERENCIJA O LOKALNOM PRISTUPU, PREVENCIJI I BORBI PROTIV NASILJA U PORODICI U BIH



Savezi općina/opština i gradova u BiH organizirali su konferenciju za jedinice lokalnih samouprava sa fokusom na ulogu i upotrebu lokalnih institucionalnih mehanizama za rodnu ravnopravnost u svrhu preventivnog djelovanja i postupanja u slučajevima nasilja u porodici. Na konferenciji je diskutovano o prioritarnim mjerama i zakonskim obavezama JLS u adresiranju ovog ozbiljnog društvenog problema, predstavljeni su različiti inovativni pristupi koji se primjenjuju u lokalnim zajednicama, a Savezi su potvrdili nastavak pružanja podrške u kreiranju platforme za edukaciju, razmjenu i usavršavanje predstavnika/ca JLS u oblasti uloge JLS u prevenciji i suzbijanju nasilja u porodici u BiH.

Video: <https://bit.ly/3tAITNX>

VIJESTI IZ OPĆINA I GRADOVA FEDERCIJE BOSNE I HERCEGOVINE

16. DANA AKTIVIZMA PROTIV RODNO ZASNOVANOG NASILJA

GRAD GRAČANICA - Održana panel diskusija u okviru kampanje „16 dana aktivizma u borbi protiv nasilja nad ženama i djevojčicama“

Komisija za ravnopravnost spolova, prava i slobode čovjeka, predstavke i pritužbe Gradskog vijeća Grada Gračanica u saradnji sa neformalnom lobi grupom održala je 1.12.2023. godine panel diskusiju u povodu obilježavanja „16 dana aktivizma u borbi protiv nasilja nad ženama i djevojčicama“.

Panel diskusija se održala u derhani Osman-kapetanove medrese a učešće su uzele: Danijela Huremović iz U.G. „Vive žene“ Tuzla, Maida Terzić i Damira Alibegović iz Centra za socijalni rad Gračanica te Miralem Vršajević iz Policijske uprave Gračanica. Panel je moderirala gradska vijećnica i predsjednica Komisije za ravnopravnost spolova, Mersiha Jogunčić.

Prema riječima prisutnih, fokus treba biti na prevenciji kako porodičnog, vršnjačkog i nasilja nad ženama tako i na sinergiji institucija, vladinog i nevladinog sektora i centara stručne podrške.



Sa panel diskusije u Gračanici

Zainteresovane građanke i građani upoznati su sa ulogom sigurne kuće te sa putem žrtve od prijave nasilja do sigurnog zbrinjavanja. U narednom periodu, u okviru kampanje u borbi protiv nasilja nad ženama, članice Komisije će intenzivirati aktivnosti koje će sprovesti i nakon 10. decembra (Dana ljudskih prava), poput ulične kampanje/podjele letaka i drugog promotivnog materijala, još jedne panel diskusije na kojoj će prisustvovati Duška Jurišić, zamjenica ministra za ljudska prava, Jasminka Džumhur, Ombudsmenka za ljudska prava BiH i drugi. Napominjemo, Grad Gračanica je jedna od rijetkih JLS koja je principe rodne ravnopravnosti ugradila u Statut i druge dokumente, te donijela i Lokalni gender akcioni plan.

GRAD GRAČANICA - Program mjera i aktivnosti na prevenciji i suzbijanju nasilja u porodici sa posebnim akcentom na nasilje nad ženama

Prema Programu mjera i aktivnosti na prevenciji i suzbijanju nasilja u porodici sa posebnim akcentom na nasilje nad ženama, a koji je donio gradonačelnik Grada Gračanica na osnovu inicijative ženske neformalne lobi grupe u saradnji sa Komisijom za ravnopravnost spolova, održan je sastanak na kome su prisustvovali predstavnici mjesnih zajednica i udruženja žena sa područja grada.

Više o programu mjera možete naći na sljedećem linku: <https://bit.ly/46OHlqX>



Grb Grada Gračanica

GRAD TUZLA - Grad Tuzla aktivno kreira i provodi politike koje za krajnji cilj imaju smanjenje broja slučajeva porodičnog nasilja, te pružanje aktivne podrške žrtvama nasilja, prije svega žena i djece. Shodno tome, od 2019. godine sredstvima iz Budžeta Grada Tuzle sufinansiraju se troškovi rada Sigurne kuće, jedine na području Tuzlanskog kantona, koja djeluje u okviru Udruženja građana „Vive Žene“ Tuzla. U Sigurnoj kući u prosjeku na godišnjem nivou zbrine se oko 140 osoba žrtava nasilja u porodici - žena i djece.

Grad Tuzla kontinuirano sredstvima iz gradskog budžeta, podržava realizaciju projekata neprofitnih organizacija koji imaju za cilj prevenciju nasilja nad ženama i podršku žrtvama nasilja.

Budući da je ekonomska neovisnost jedan od glavnih razloga zbog kojeg žene žrtve nasilja ostaju u zajednici sa nasilnim partnerima, Grad Tuzla je kreirao posebne programe podrške za ekonomsko osnaživanje žena žrtava nasilja koji se realizuju putem Službe za ekonomski razvoj, poduzetništvo i poljoprivredu.

Putem javnog poziva dodjeljuju se sredstva sa pozicije „Grant za podršku privatnim preduzećima i poduzetnicima“ koja su za 2023. godinu planirana u iznosu od 250.000,00 KM. Sredstva su namijenjena za podršku privatnim preduzećima i poduzetnicima registrovanim na području Grada Tuzle po projektu: „Siguran start“, a poseban dodatak od 5% na ukupan novčani iznos koji se dodjeljuje imaju osobe ženskog spola (samostalne poduzetnice i vlasnice, odnosno direktorice/ovlaštena lica privrednih društava).





Radionica sa učenicima prvih razreda gimnazije "Musa Ćazim Ćatić" Tešanj

OPĆINA TEŠANJ - U organizaciji multidisciplinarnog tima za problematiku nasilja u porodici Općine Tešanj, u okviru aktivnosti tokom 16 dana aktivizma protiv rodno zasnovanog nasilja, organizovana edukativna radionica učenicima prvih razreda gimnazije "Musa Ćazim Ćatić" Tešanj. Kroz grupni rad, prezentacije i proaktivno učešće učenika i učenica obrađene su teme vršnjačkog nasilja, internetskog vršnjačkog nasilja i nasilja u porodici, a edukatori su bili sužbenici kriminalističke policije Policijska stanica Tešanj.

Predstavljeni rezultati Analize nasilja u porodici

U Društvenom centru Dobropolje-Mekiš predstavljeni su rezultati Analize nasilja u porodici. Naime, u okviru projekta "Jačanje uloge MZ u Bosni i Hercegovini", kroz kampanju "16 dana aktivizma protiv rodno zasnovanog nasilja", u saradnji sa predstavnicima mjesnih zajednica, Centrom za socijalni rad i koordinatorom za rad mjesnih zajednica Općine Tešanj, urađena je analiza prijavljenih slučajeva nasilja u porodici za prethodnu godinu, te prijedlog mjera za narednu.



Hasan Plančić, koordinator za rad na rodnoj ravnopravnosti, Općina Tešanj

Video: <https://bit.ly/48009Ks>

OPĆINA NOVI TRAVNIK - "U okviru projekta "Primjena sveobuhvatnog socio-ekološkog i modela zasnovanog na aktivnom učešću zajednica u eliminaciji nasilja nad ženama u Bosni i Hercegovini" i "Inicijativa mladića III – Promovisanje zdravih životnih stilova među mladima u Bosni i Hercegovini osporavanjem rodni stereotipa III" koje se provode u Novom Travniku u saradnji sa partnerskom organizacijom **Institut za populaciju i razvoj**, odlučili smo pozvati lokalne zajednice da pošalju poruku o prevenciji nasilja tako što će na papir napisati poruku o nasilju i uslikati se sa njom, obzirom da se svaki slučaj nasilja tiče lokalnih institucija od velike je važnosti njihov angažman u obilježavanju ovih bitnih datuma. Naša saradnja sa lokalnim institucijama traje niz godina kroz razne aktivnosti tako da je ova aktivnost samo jedan glas više. U ovoj aktivnosti je učestvovala Općina Novi Travnik, Mješovita srednja škola Novi Travnik, Srednja škola Novi Travnik i Centar za socijalni rad.

Također, naši volonteri su pripremili uličnu kampanju na kojoj su dijelili simbolične poklone slučajnim prolaznicima sa motivirajućim porukicama, dok su u pozadini spremili balone sa natpisom STOP NASILJU NAD ŽENAMA i panoom koji je bio ispisan detaljima vezanim za Međunarod-



PORUKE 16 DANA AKTIVIZMA PROTIV RODNO ZASNOVANOG NASILJA

"U BiH su žene manje zastupljene u svim segmentima društva, a prije svega u onom najvažnijem, a to je tržište rada. Onda u političkom i društvenom životu. Razloga za takve uzroke je zaista puno, ali prije svega zato što je žena diskriminirana u vlastitoj kući. Pitanje ravnopravnosti spolova, nije pitanje ljudskih prava, nego ekonomskog prosperiteta društva. Sama činjenica da imamo najmanje žena kao aktivnih sudionika na tržištu rada na nivou Evrope je poražavajuća. Posebno, ako uzmemo u obzir to da su kod nas žene te koje više završavaju fakultete, ali su manje zastupljene na tržištu rada. Ta ravnopravnost podrazumijeva određenu odgovornost."

Lejla Hodović, Gender centar Federacije Bosne i Hercegovine



PORUKE 16 DANA AKTIVIZMA PROTIV RODNO ZASNOVANOG NASILJA

Osim adekvatnog institucionalnog pristupa žrtvama, veliku ulogu u osnaživanju žena ima i ekonomska ovisnost o nasilniku-partneru. Kao jedan od vidova prevencije nasilja, te osnaživanja žena Razvojna agencija iz Žepča godinama provodi projekte ekonomskog osnaživanja žena.

„Žene i kada pokrenu svoj biznis i dalje budu nesigurne, tek kada dobiju podršku šire zajednice onda budu snažnije“,

Branka Janko, direktorica Razvojne agencije Žepče



PORUKE 16 DANA AKTIVIZMA PROTIV RODNO ZASNOVANOG NASILJA

„Naša snaga leži u glasovima žena i djevojčica, a zajedno treba da gradimo okruženje oslobođeno nasilja i straha. Podržavam kampanju 'Zaustavimo nasilje nad ženama i djevojčicama zajedno' jer svaka žena i djevojčica zaslužuju pravo na ljubav, poštovanje i jednakost. Neka naša jedinstvenost bude odraz borbe za pravедnost.“

Umihana Krličević Omerović, članica Mreže za rodnu ravnopravnost Saveza općina i gradova FBiH



Magazinska emisija “Snaga lokalne zajednice” - Savez općina i gradova Federacije Bosne i Hercegovine podržao kampanju 16 dana aktivizma protiv rodnozasnovanog nasilja

Emisiju posvećenu ovoj kampanji možete pogledati na sljedećem linku: <https://www.youtube.com/watch?v=71cpOY8ePxQ>



Poštovani čitaoci,

putem ovog biltena pružamo Vam mogućnost da se informišete o aktivnostima Saveza, o bitnim dešavanjima u općinama i gradovima, aktivnostima naših partnera, institucija vlasti, kao i o razmjeni najboljih iskustava i praksi.

Na ovaj način pružamo informacije o održanim sjednicama organa i tijela Saveza, konferencijama, seminarima, radionicama, okruglim stolovima, javnim raspravama, projektnim aktivnostima i sl.

Ukoliko želite da se prijavite za primanje ovog biltena možete to učiniti tako što ćete poslati e-mail na: dino@sogfbih.ba; ili putem popunjavanja forme na našoj web stranici.

Molimo vas da informacije o našem biltenu proslijedite svima u vašoj i susjednim JLS i drugim zainteresiranim.

Ukoliko želite da objavite neke od vaših novosti, iskoristite bilten Saveza koji je brz i efikasan način komuniciranja.

Sa zadovoljstvom očekujemo vaše komentare, sugestije ili primjedbe.